

tem ipsum uolumen in dati species, & in primis, primum segmentum ea quæ ratione data sunt comprehendit, secundum autem ea quæ positione, & demum ea quæ specie. Simplex enim erat quæ de magnitudine datis: disseminauit autem & hæc particulatim in alijs, & maxime in hijs quæ specie data sunt. Orsus autem est ab hijs quæ ratione & positione data sunt: quando quidem ex hijs quæ specie dantur constant. Aliter facta etiam ipsius libri diuisio, in uniuersales magnitudines in lineas & plana, & cyclica theoremata: simili namque ordine & in diffinitionibus siue uoluminis suppositionibus usus est. Secutus autem est modum doctrinæ non per compositionem, sed per resolutionem, quemadmodum & Pappus satis in libri huius commentationibus demonstrauit.

In Librum Datorum Euclidis philosophi Platonici Marini philosophi præstantissimi Protheoriæ finis, Bartholomæo Zamberto Veneto interprete.

BARTHOLOMÆVS ZAMBERTVS VENETVS
clarissimo uiro Marino Georgio patritio Veneto, artium
ac sacrae Theologiæ doctori eximio, Brixienſiumque
præfecto designato S.



LVRES hominum maxima tenet admiratio Marine Georgi philosophi doctissime, quod in humanis ita sit comparatum homines absque dissidijs, contumelijs, iurgijs, tumultibus, bellisq; atrocibus quasi uiuere nesciant. Ac si eorum misera conditio foret, si amore pacæque mutua sibi inuicem corresponderent. Idque magis mirum uideri solet, cum hijs qui ab humanitate nomen sibi uendicarunt, non nisi inhumaniter uitam agere curet. Quod quidem uir clarissime nobis enucleatissime constat: nam si uelimus ueterum memorias altius recensere, quam ætatem bellorum uacuum comperiemus: nullam. Sed ne à memoria nostra longe distatiam repetamus, quid de nostra ætate, quam uidimus, nec apud autores legimus in qua ea obtigerunt, quæ si à nobis sic sicut uisa sunt legerentur, proculdubio somnia & phantastica machinamenta esse putarentur. Nam decem autem aut undecim annorum interuallo quot, quantaq; ac qualia euersa immutata, subuoluta, radicitusque conuulsa nostris oculis conspeximus? Tu optime nosti qui ob singularem doctrinam tuam, erga patriamq; uel maximam fidem, à senatu legatus missus hos turbines uidisti, & ingenij tui libramine ponderasti. Testis heu testis est Neapolitana ciuitas quæ plures strages perpessa, uno anno, rem nullis seculis auditam regale sceptrum quinque commutauit. Testis heu testis est illa Roma quæ cum alias subacta Italia: ferocissimas infrenatasq; nationes domuerit. longe lateq; fines imperij propagauerit, sæpius in præsentia non in Italia sed apud urbis muros: non apud muros urbis, sed in ipsa urbe: non hominum tumultus, sed enses euaginos, non enses euaginos sed multas cædes, & funera passa est. Testes heu testes sunt fluentinorum, felsinensiumq; agri toties à militibus dissipati. Testis demum tota Italia transpadana toties bellis, atrocibus, cædibus miserandis, ignibus maximis commissa: Sed quid de illa quæ citra padum est Italiae regione dicemus: nil nisi laboriosum, nil nisi flebile, nil nisi illachrymabile, & quod potius silentio transeundum sit, quam ea quæ obtigerunt connumerare. Nam si Tarrenses agri uocem attollere possent, se hominum cæde uel maxima contabuisse, humaniq; sanguinis copia affatim effusi inundasse quererentur. Si tota Italia loqui posset, eam ad funestum deplorabilemque statum peruenisse intelligeremus. Sed hæc in præsentia missa faciamus: quando quidem in præsentia hystoriam non conscribimus, & quæ apud posteros, non paruum, sed nullam fidem ob rei magnitudinem sit habitatura. Quæ omnia licet quodam nictu oculi obtigerint, non est tamen quod perinde nos mirari oporteat, nam si à causis exordiri atque ad huiusmodi effectus nos ipsos deuoluere uelimus, siue etiã ab his effectibus incipientes causas altius repetere uoluerimus, bella huiusmodi ex contrarijs gigni uoluntatibus comperiemus, quæ ab appetitu diuerso oriuntur, quæ diuersa hominum sortita est qualitas, quam illi quatuor humores efficiunt, qui cum ab illis

Z elemē